



BOSNIA AND HERZEGOVINA  
Ministry of Human Rights and Refugees

---

Na osnovu Odluke o osnivanju Odbora za Rome pri Vijeću ministara BiH („Službeni glasniku BiH br. 17/26), koje je stručno, savjetodavno i koordinaciono tijelo pri Vijeću ministara Bosne i Hercegovine, a u skladu sa članom 4. stav (3) i članom 5. stavovi (2, 3, 4 i 5) predmetne odluke, Ministarstvo za ljudska prava i izbjeglice Bosne i Hercegovine objavljuje

## JAVNI POZIV

### za izbor članova Odbora za Rome pri Vijeću ministara BiH ispred romskih nevladinih organizacija

Ministarstvo za ljudska prava i izbjeglice Bosne i Hercegovine poziva predstavnike romskih nevladinih organizacija iz cijele Bosne i Hercegovine na podnošenje prijave na javni poziv za izbor članova Odbora za Rome pri Vijeću ministara BiH ispred romskih nevladinih organizacija.

Izbor će se vršiti u skladu sa gore navedenim odredbama Odluke o osnivanju Odbora za Rome pri Vijeću ministara BiH i to:

- a) iz Federacije BiH: pet članova;
- b) iz Republike Srpske: tri člana;
- c) iz Brčko distrikta BiH: jednog člana.

Ministarstvo za ljudska prava i izbjeglice Bosne i Hercegovine formira komisiju i bira članove romskih nevladinih organizacija vodeći računa teritorijalnoj zastupljenosti, rodnoj ravnopravnosti i uključivanju mladih. Članovi se biraju individualno vodeći računa o iskustvu, stručnoj kompetenciji i prethodnoj uključenosti u pitanja nacionalnih manjina.

Od kandidata se očekuje da u svom ličnom stručnom kapacitetu daju aktivan doprinos u radu Odbora za Rome pri Vijeću ministara BiH, te da iniciraju dijalog, aktivnosti i mjere koje se tiču unapređenja položaja romske zajednice u Bosni i Hercegovini.

Molimo sve kandidate da u svojoj prijavi dostavite pismo namjere jasno navodeći zašto se prijavljuju i čime smatraju da mogu doprinijeti radu Odbora za Rome pri Vijeću ministara BiH i unaprijediti položaj Roma i Romkinja, te šire romske zajednice u Bosni i Hercegovini. Pored toga potrebno je da kandidati dostave i profesionalnu biografiju u kojoj trebate navesti samo relevantna iskustva i one aktivnosti koje se tiču oblasti prava Roma i to u hronološkom redu. Poželjno je i navesti projekte i dokumente u čijoj izradi je kandidat učestvovao. Korisno je i priložiti listu referenci.

Ministarstvo za ljudska prava i izbjeglice BiH imenuje komisiju i provodi postupak izbora članova Odbora za Rome pri Vijeću ministara BiH ispred romskih nevladinih organizacija vodeći računa o svim gore navedenim kriterijima na period od četiri godine.

U skladu sa članom 8. stav (4) predmetnom odlukom članovi Odbora za Rome pri Vijeću ministara BiH ispred romskih nevladinih organizacija ostvaruju pravo na naknadu u iznosu od 200,00 KM (neto) koja se isplaćuje za mjesec u kojem je održana sjednica Odbora, pod uslovom da je član Odbora prisustvovao sjednici Odbora.

Molimo vas da vaše prijave dostavite do 22. maja 2026. godine na adresu:

**Ministarstvo za ljudska prava i izbjeglice Bosne i Hercegovine**  
**Trg BiH 1**  
**71 000 Sarajevo**

Obavezno sa naznakom na koverti:

**NE OTVARAJ**

**„ JAVNI POZIV ZA IZBOR ČLANOVA ODBORA ZA ROME PRI VIJEĆU MINISTARA BIH ISPRED ROMSKIH NEVLADINIH ORGANIZACIJA“**

Za sve informacije kontakt osobe ispred ministarstva su gđa Tijana Borovčanin na telefon 033/703-954 ili putem email-a [tijana.borovcanin@mhr.gov.ba](mailto:tijana.borovcanin@mhr.gov.ba) i gđa Aleksandra Jarić na telefon 033/703-960 ili putem email-a [aleksandra.jaric@mhr.gov.ba](mailto:aleksandra.jaric@mhr.gov.ba).

U Sarajevu, 27.04.2026 godine

Broj: 07-39-1029-2/26

